



**საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი**



MES 2 23 0000525703



10/05/2023

**სსიპ - ბათუმის შოთა რუსთაველის სახელმწიფო უნივერსიტეტის „სასურსათო ტექნოლოგიის“
საბაკალავრო საგანმანათლებლო პროგრამის აკრედიტაციის მინიჭების თაობაზე**

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მამიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან „არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და

დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

1.5 აკრედიტაციის დებულების 27⁵მე-7¹პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2022 წლის 28 დეკემბრის №1669816 წერილით (ცენტრში რეგისტრაციის - №1671023, 28.12.2022) წარმოდგენილ იქნა სსიპ - ბათუმის შოთა რუსთაველის სახელმწიფო უნივერსიტეტის სააკრედიტაციო განაცხადი „სასურსათო ტექნოლოგიის“ საბაკალავრო საგანმანათლებლო პროგრამის თაობაზე.

2.2. ცენტრის 2023 წლის 12 იანვრის №18892 ბრძანების საფუძველზე, უნივერსიტეტი ცნობილ იქნა აკრედიტაციის მაძიებლად. ცენტრის 2023 წლის 08 თებერვლის №139811 ბრძანებით შეიქმნა ექსპერტთა ჯგუფი, რომელმაც 2023 წლის 23 თებერვალს განახორციელა სააკრედიტაციო ვიზიტი უნივერსიტეტში. რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არარის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		√		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	√			
3. სტუდენტთა მიღწევები, მათთან ინდივიდუალური მუშაობა	√			
4. სწავლების რესურსებით უზრუნველყოფა	√			
5. სწავლების ხარისხის განვითარების შესაძლებლობები	√			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 25 აპრილს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის,

ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ სრულად გაიზიარა ექსპერტთა შეფასება.

3.სარეზოლუციონაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 პუნქტის, მე-8 პუნქტის, აკრედიტაციის დებულების 27²მუხლის პირველი პუნქტის, 27⁵მუხლის პირველი პუნქტის „ა“ ქვეპუნქტის და მე-5 პუნქტის, 27⁶მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის N223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 16 ხმით არცერთის წინააღმდეგ

გადაწყვიტა:

1. დაკმაყოფილდეს სსიპ - ბათუმის შოთა რუსთაველის სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „სასურსათო ტექნოლოგიის“ საბაკალავრო საგანმანათლებლო პროგრამას მიენიჭოს აკრედიტაცია კლასტერის ვადით, 2025 წლის 31 დეკემბრამდე, 1 წელიწადში ანგარიშის წარმოდგენის პირობით.
2. ცნობილ იქნას აკრედიტაციის ექსპერტთა ჯგუფის დასკვნა „სასურსათო ტექნოლოგიის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2023 წლის 10 მაისის №524597 სხდომის ოქმის № 03 ნაწილი ამ გადაწყვეტილების განუყოფელ ნაწილად (დანართი №3).
4. საბჭომ ექსპერტთა დასკვნაში ასახული რეკომენდაციები განსაზღვრა შემდეგნაირად:

ეკომენდაციები:

1. რეკომენდებულია პროგრამის მიზნები დაკორექტირდეს და საერთაშორისო და ადგილობრივი სტანდარტების შესაბამისად ტერმინოლოგიურად გასწორდეს;
2. პროგრამის მიზნები და პროგრამის სწავლის შედეგები მოვიდეს შესაბამისობაში სასწავლო კურსების განახლების და ზოგიერთი კურსის დამატების საფუძველზე;
3. პროგრამის სწავლის შედეგები დაკორექტირდეს და შესაბამისობაში მოვიდეს პროგრამაში შეტანილ ახალ სასწავლო კურსების საფუძველზე, რომელიც პროგრამას გახდის სრულყოფილს და პროფილს გააფართოვებს;
4. სრულყოფილი, კვალიფიციური, პროფესიული და რეგიონის სტრატეგიიდან გამომდინარე, ინტერესების და კვალიფიკაციის გაფართოების მიზნით მიზანშეწონილია პროგრამა გამდიდრდეს ისეთი სასწავლო კურსებით, როგორცაა: ხორცისა და ხორცის პროდუქტების, რძისა და რძის პროდუქტების, თევზის და საკონდიტრო წარმოების თემატიკები, რაც უზრუნველყოფს დასაქმების სფეროს გაზრდას.
5. დაზუსტებული სწავლის შედეგების გათვალისწინებით სასწავლო შედეგების რუქის დაკორექტირება;
6. დარგში არსებული თანამედროვე, აღიარებული სტანდარტების და ტერმინოლოგიის გამოყენებით სილაბუსების დახვეწა და ცვლილებების განხორციელება ; („კვების პროდუქტების წარმოების პროცესები და აპარატები“, „კვების მრეწველობის ტექნოლოგიური მოწყობილობები“ „კვების პროდუქტების უსაფრთხოება“, „კვების პროდუქტების სტანდარტიზაცია, სერტიფიცირება“, კვების პროდუქტების ქიმია“, შრომის

დაცვა“ „პროფესიული პრაქტიკა 1“, „პროფესიული პრაქტიკა 2“, „ტექნიკური მიკრობიოლოგია“)

7. პროგრამის „სასურსათო ტექნოლოგია“ ყველა სასწავლო კურსში წარმოდგენილი მოცულობითი სწავლის შედეგები დაკორექტირდეს და გახდეს კომპაქტური;
8. თემატური სასწავლო სილაბუსების მიხედვით (ღვინის ტექნოლოგია, ლუდისა და უალკოლო სასმელების ტექნოლოგია და სხვა) სალექციო თემებში განხილული თემატური ტექნოლოგიები, ოპერაციები და მოწყობილობები გადანაწილდეს შესაბამისი თემატიკების მიხედვით საერთო სასწავლო სილაბუსში; ან პირიქით.
9. პრაქტიკების სასწავლო სილაბუსში დაემატოს ხორცისა და რძის საწარმოში გასავლელი საწარმოო პრაქტიკის საათები;
10. გადაიხედოს და დაკორექტირდეს დატვირთვები. განისაზღვროს ყველა სასწავლო კურსებში ჯგუფში მუშაობის ფორმა (პრაქტიკული/სემინარი), და შესაბამისად გაიწეროს მისი შეფასების კრიტერიუმები;
11. სასწავლო კურსის ლიტერატურიდან ამოღებულ იქნას პროფესიული სასწავლებისთვის განკუთვნილი ლიტერატურა და გადატანილ იქნას დამატებით ლიტერატურაში მაგ: პუტცი, შაფათავა -ნაცვლიშვილი, და სხვ.;
12. პროგრამის განმახორციელებელმა აკადემიური პერსონალმა პერმანენტულად განახორციელოს დარგის უახლეს მიღწევებზე დაფუძნებული სასწავლო მასალებით სალექციო თემატიკის გამდიდრება და შესაბამისი ლიტერატურით უზრუნველყოფა. მაგ საკვები პროდუქტების წარმოების პროცესები და აპარატები გამოცემა 2017 წელი; კვების მრეწველობის საწარმოთა დაპროექტება - 2019 წელი; საკონსერვი საწარმოთა მოწყობილობები - 2021 წელს გამოცემული, 2018 წელს გამოცემული ავალიანის შ. „ღვინის ტექნოლოგია“მესამე შევსებული და გადამუშავებული გამოცემა, ღვინის ანალიზები მცირე მარნებისთვის - ლაბორატორიული სახელმძღვანელო 2021 წლის გამოცემა; ასევე რეკომენდირებულია ინგლისურენოვანი დარგობრივი ლიტერატურა, რომელიც უცხო ენის გამყარების გარდა, გააძლიერებს ტერმინოლოგიის ცოდნას ინგლისურ ენაზე.

რჩევები:

- სასურველია პროგრამის ყველა მიზანი პასუხობდეს პროგრამის სახელწოდებას რაც უფრო გააადვილებს პროგრამის არსის უკეთ გააზრებას
- სასურველია, პროგრამის სამუშაო ჯგუფის მიერ მოხდეს დაკორექტირებული პროგრამის მიზნების შესაბამისად სწავლის შედეგების დაკორექტირება;
- - პროგრამის განვითარების მიზნით საერთაშორისო ურთიერთობების განვითარება, ინტერნაციონალიზაცია, რომელიც არის სწავლების განვითარების და საერთაშორისო ბაზარზე ორიენტირებული კადრის მომზადების საფუძველი;
- სასურველია სილაბუსებში მეტად იყოს გამოყენებული თანამედროვე ლიტერატურა;
- გადაიხედოს საგნის სილაბუსები და განახლდეს ლიტერატურა;
- გამოყენებულ იქნას ინგლისურენოვანი ლიტერატურა.
- სილაბუსებში წარმოდგენილი მეცადინეობები დაკონკრეტდეს და დაკორექტირდეს პრაქტიკული და ლაბორატორიული სამუშაოები სასწავლო კურსებში გაწერილი მეცადინეობის მიხედვით;
- სასურველია, რომ პროგრამაზე დაშვების წინაპირობაში იყოს დამატებული საბუნებისმეტყველო საგნები (ქიმია ან ბიოლოგია)
- გასაჩივრების პროცედურის გამარტივების მიზნით სასურველია, რომ სტუდენტის საჩივარი პირდაპირ კომისიამ განიხილოს, სადაც ლექტორს შესაძლებლობა ექნება დააფიქსიროს შეფასებასთან დაკავშირებული პოზიცია.
- სასურველია, რომ მეტი ობიექტურობისთვის საბაკალავრო ნაშრომის ხელმძღვანელის შეფასების 30 ქულა შემცირდეს 20 ქულამდე.


- სასურველია პროგრამის განვითარების მიზნით კურსდამთავრებულებთან და სტუდენტებთან კომუნიკაციის დამყარება და მათგან უკუკავშირის მიღება პროგრამის ძლიერი და სუსტი
- მხარეების შესახებ და შემდგომ პროგრამაში გათვალისწინება.
- სასურველია დარგის მიმართულებით საერთაშორისო პარტნიორ ინსტიტუციებთან ავშირების ეფექტური დამყარება და შესაბამისი მიმართულებით სტუდენტებისთვის სხვადასხვა გაცვლითი პროექტებისა და პროგრამების შეთავაზება;
- სასურველია, პროგრამას გარე შეფასების ნაწილში ჰყავდეს არამართო ქართველი გარე შემფასებელი, არამედ უცხოელი ექსპერტიც.

5. ანგარიშის წარმოადგენის ვადად განისაზღვროს 1 წელი (25/04/2024)

6. საბჭოს აღნიშნული გადაწყვეტილება ძალაში შევიდეს 2023 წლის 25 აპრილს.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების
აკრედიტაციის საბჭო
საბჭოს მდივანი
რატია რატი



საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	სასურსათო ტექნოლოგია
2	ერთობლივი უმაღლესი საგანმანათლებლო პროგრამა	-
3	სტატუსი	ახალი
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	-
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	-
6	უმაღლესი განათლების საფეხური	ბაკალავრიატი
7	დაშვების წინაპირობები	-
8	კვალიფიკაციის დონე	VI
9	კვალიფიკაციის დასახელება	სასურსათო ტექნოლოგიის ბაკალავრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0721 სურსათის გადამამუშავება
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	გრიშაშვილის ქ. №5, ფიროსმაბის ქ. №12, ნინოშვილის №35, ბათუმი, საქართველო
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 25 აპრილი

17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	2024 წლის 25 აპრილი
18	აკრედიტაციის ვადის გასვლის თარიღი	2025 წლის 31 დეკემბერი